

ցայայտ կերպով դրուած կը լինէր մեր առջև որոշապէս հայոց լեզուի այն գեղեցիկ կամ տգեղ պատկերը, որ կամենում են նորոգել կամ աւելի ճիշտն ասած՝ կարկառել մեր նկարիչ-լեզուագէտները:

Այլապէս ինչ միտք ունին գրեթէ տեսականօրէն կամ վերացական կերպով, առաձգական խօսքերով ու ֆուռազներով՝ առանց լեզուագիտական մի որոշ սխտէմի և կամ սահմանի, կամայօրէն յետ ու առաջ բերած և մեզ հրամցած հարցերն ու առաջարկները, կարծիքներն ու ենթադրութիւնները, մանաւանդ որ դեռ մեզ էլ են առաջարկում, որ մենք էլ մեր կողմից ճշոր հարցեր արծարծենք և պատասխանենք. մի բան, որ վերնում ասածիս պէս կարելի է անվերջ շարունակել՝ նորանոր սխօլաստիքական բժախնդրութիւններ հնարելով:

Եւ վերջապէս՝ չէ որ շատերին և գուցէ մանաւանդ նրանց, որոնք բռանց որևէ յետին մտքերի միշտ իսկական նախանձախնդիր են եղած և են ներկայումս հայ գրական լեզուի մաքրութեան ու հարազատութեան, չէ որ շատերին, ասում եմ, վիճակուած չի լինիլ ներկայ լինել էջմիածնի այդ հայ լեզուափիճական կաճառում, ուր առաջարկած և դեռ շատ նոր առաջարկուելիք (ըստ հայոց սովորութեան) անվերջ ու անծայր լեզուագիտական փոխանակ որևէ օգտակար ու ցանկալի արդիւնք ստանալու, մի նոր Բարելոնեան խառնակութիւն ևս պիտի առաջ գայ՝ առանց այդ էլ խառնակ, օտարացած ու այլախօս մեր զգրական լեզուի համար...

Խեղճ հայոց լեզու. «Հայոց հարցը» ասում են վերջացաւ, հիմա երեւի քո հերթն է: Անշուշտ քեզ էլ մի ինչ որ «կենդանական լեզուափիճական ժողով է սպառում» Յուսմք, որ դու էլ մեր անմահ բանաստեղծի զօրաւոր խօսքերով կասես, կը ձայնես այդ «ժողովին»՝

«Ամեն մարդ չի կանա խըմի իմ ջուրն՝ ուրիշ ջրէն է, Ամեն մարդ չի կանա կարգայ իմ գիրն՝ ուրիշ գրէն է. Բունիաթս աւազ չիմանաս՝ քարափ է քարուկրէն է»...

Առայժմս այսպիսի:

Ն. Թարոյ

Թիֆլիզ, 1 հոկտ.

ԹԻՖԼԻՉԻ ՅՕՖԵԼԵԱՆԱԿԱՆ ՅԱՆՁՆԱԺՈՂՈՎՆԵՐԸ

Մեր անուանի գործիչները իրենց թուլացած նեարդերը ամբարանոցներում մի լաւ կազդուրելուց յետոյ հէնց որ Թիֆլիզ հասան, բնականաբար նոր թափով երևան եկան ոչ թէ գործելու, — այս բանը մեզանում վաղուց է մտացուած, — այլ մի լաւ իրար ետխից բռնելու:

Սե ահա սկսուեցին բանակուելի անուան տակ անարգելը, հայհոյելը. չէ որ մարդիկ մի քիչ կազդուրուել են, ոյժ են հաւաքել. էլ որ օրուայ և ինչի համար է այդ ամենը, եթէ ոչ միմեանց վարկաբեկելու:

Ոչինչ դէմ չունինք. թող սրբան կուզեն միմեանց վատաբանեն, այդ իրենց հաշակի ու հասկացողութեան

գործն է. բայց երբ իրենց հաշիւները մաքրելու համար էլ հասարակական գործն է մէջտեղը տուժում, այդտեղ արդէն նրանց պէտք է կանգնեցնել և հասկացնել, որ իրաւունք չունին նոյն չափով ու կշռով մօտենալու հասարակական խնդրին:

Ներկայ դէպքում հարցը տառերի գիւտի և տպագրութեան համազգային մեծ յօրելեանին է վերաբերում և առաւել ևս անաչառ մոմուլին է մնում կոչ անել հասարակութեան թայֆայականութիւնից հեռու, խոհեմ մասին, — մի կոչ՝ թողնելու խմբական հաշիւները և լուրջ վերաբերմունք ցոյց տալու հարցին:

Թիֆլիզի համար այդ յօրելեանը մի կուտածաղիկ դարձաւ Աւա յօրելեանական տարին վերջանում է և հայութեան մտաւոր կենդրոն համարուող կովկասի մայրաքաղաքի ինտելիգենցիան դեռ շարունակում է իր վէճը թէ ո՞վ պիտի տօնէ այդ յօրելեանը՝ Լէօ-Թուամեան, թէ Առաքելեան-Քալանթար խումբը:

Նրանցից ամեն մէկն էլ որոշ խմբերի կողմից է ընտրուած և իրաւապէս և ոչ մէկն էլ թեմական յանձնաժողով չի կարող համարուել, որովհետև նրանց ընտրութեան մէջ թեմը մասնակցութիւն չի ունեցել: Նրանք երկուսն էլ տեղական բնոյթ ունեն և երբ այդպիսիները կարող են գործել, կարծում ենք ոչ ոք նրանց չի խանգարի:

Միթէ այդ համազգային մեծ տօնը կատարելուն կամ նրան մասնակցելուն որևէ նոյնիսկ մի հայ անհատի կարող է մէկը արգելք հանդիսանալ. տօնը համազգային է և ամեն մի հայ ոչ միայն կարող է, այլև պարտաւոր է մասնակցել, ուրեմն և ինչ իրաւունքի խնդիր բարձրացնել էր:

Միակ բարոյական իրաւատէրը և հովանաւորողը Ամենայն Հայոց Կաթողիկոսն է, որ և հրահանգում է այս դէպքում գործի յաջողութեան համար օգնական յանձնաժողովներ ընտրել: Թիֆլիզը ևս պէտք է ընտրէր. սակայն չնայելով Առաջնորդի ջանքերին, երկու հակառակ խմբերի մէջ ոչ մի հաշտութիւն առաջ չեկաւ դժբաղդաբար, ու կարծես ըստ երեւոյթին այդ մեծ տօնը այնպէս անշուք պիտի անցնի կովկասահայերի մտաւոր կենդրոնի համար, ինչպէս անշուք ու աղմկով էլ ըսկուեց:

Միթէ պատիւ է բերում այդ Թիֆլիզի ազգային-հասարակական հաստատութիւններին, մամուլի, զբոսկանութեան ներկայացուցիչներին, Միթէ այդքան մեծ պատգամներ ուղարկող գաւառի մտաւորականների մէջ չկան այնպիսիները, որ համախմբուեն Առաջնորդի շուրջը և վայելուչ կատարեն այդ տօնը: Ի՞նչ պիտի տեսնի գաւառը, հայութեան մասերը. էլ ինչ վստահութիւն կը մնայ նրանց մէջ, էլ ինչ հաւատ ու յարգանք, երբ չենք կարողանում այսպիսի մեծ նոյնիսկ չէզոք ազգային-կրթական գործի շուրջն իսկ խմբուել ու գործել:

Ընդամենը մնացել է յօրելեանական տարու փակմանը միջանի օր և պէտք է հնարաւորութեան չափ շուտափոյթ մի նոր, բոլորովին անկախ, գործին և ոչ անձ-



նաւորութեանը ծառայող անհատներէց մարմին կազմել և տօնը վայելուչ կերպով կատարել:

Կոչ ենք անում բոլոր օւղղամիտ և անշահասէր մտաւորականներին շուտով գործի անցնել և արձագանք տալ թեմիս Առաջնորդի կոչին՝ ազգային պատիւը արատաւորել շնորհակալութեամբ:

\* \*

### ՀԱՄԱԶԳԱՅԻՆ ՅՕՐԵԼԵԱՆԻ ՏՕՆԱԿԱՐԳԸ

Ուղարկելով Ձեզ առաջիկայ Յօրեւնական տօների ծրագիրը, խնդրում եմ ապէք Ձեր լրագրում:

Մեսրոպ եպիսկոպոս

— 0 —

### Ծ Ր Ա Գ Ի Ր

1. Հոկտեմբերի 6-ին քաղաքիս բոլոր հայ եկեղեցիներում ս. պատարագից յետոյ կը լինին քարոզներ ազգային մեծ տօնի մասին:

2. Հոկտեմբերի 11-ին քաղաքիս բոլոր հայ գըղըրոցներում դասաւանդութիւնը աւարտուում է Յ-րդ դասից յետոյ, ապա ուսուցիչները բացատրում են ամբողջ աշակերտութեան մեծ տօնի նշանակութիւնը:

3. Հոկտեմբերի 12-ին ս. Թարգմանչաց տօնին Վանաց աւագ եկեղեցում մատուցուում է ս. պատարագ քաղաքիս ամբողջ հոգևոր դասի ներկայութեամբ, պատարագիչն է Աշոտ եպիսկոպոսը: Պատարագից յետոյ կը կատարուի հոգեհանգիստ Հայ գրի և տպագրութեան վաստակաւորների յիշատակին: Եկեղեցում ներկայ են լինելու քաղաքիս բոլոր հայ և պետական գպրոցների աշակերտութիւնը և հայ ուսուցչական դասը: Հրաւիրուում են ներկայ լինել հայ ազգային և կուլտուրական հաստատութիւնները, հայ վաճառականութիւնը, արհեստաւոր դասը իր դրօշակներով և ամբողջ հայ ժողովուրդը:

4. Հայոց Դրամատիքական ընկերութեան նախաձեռնութեամբ Արտիստ. թատրոնում տեղի կունենայ ձրի ներկայացում հայ աշակերտութեան համար:

5. Երեկոյեան 8 ժամին Թիֆլիզի ժողովարանում տեղի կունենան տօնին նուիրուած դասախօսութիւններ:

6. Հոկտեմբերի 13-ին Վանաց աւագ եկեղեցում մատուցուում է ս. պատարագ ամբողջ հոգևոր դասի և վերոյիշեալ բոլոր հաստատութիւնների և ժողովրդի ներկայութեամբ: Պատարագիչն է թեմակալ Առաջնորդը: Պատարագից յետոյ կը կատարուի Հայրապետական մողթանք:

Ապա հանդէսը Վանքի աւագ եկեղեցուց եկեղեցական թափօրով կուղևորուի դէպի Ներսիսեան դպրոցի նոր շէնքը:

Դպրոցի դահլիճում հանդէսը բաց կանի թեմի Առաջնորդը մի բանախօսութեամբ:

Հանդէսին հրաւիրուած են լինելու պետական և

բարձրաստիճան պաշտօնեաներ և քաղաքիս բոլոր կուլտուրական հաստատութիւնների ներկայացուցիչներ:

Հրաւիրուած օտարազգի հիւրերի համար կը լինի բանախօսութիւն ուսերէն լեզուով:

Հանդիսին կընդունուեն շնորհաւորութիւններ տօնի առիթով:

Դպրոցի հոգարարձութիւնը ներկաներին կը հիւրասիրի թէյով:

7. Նայն օրը երեկոյեան Թիֆլիզի ժողովարանի դահլիճում տեղի կունենայ բանկէտ:

8. Հոկտեմբերի 14-ին Արտիստիք թատրոնում երեկոյեան 8 ժամին լինելու է տօնին նուիրուած ներկայացում կենդանի պատկերներով:

### ՄԱՏԵՆԱԽՕՍՈՒԹԻՒՆ

#### «Դասաւանդական ձևեր», Ա. Գիրք, Դուրգէն Էդիլեանի:

Պ. Էդիլեանը շատ լաւ միաք էր յղացել, երբ որ հայերէն թարգմանեց իր գերմաներէն դիսէրտացիան— «Քննադատութիւն Յիլլէրի ձևական աստիճաններին», որոնք (աստիճանները) մեր մէջ արդէն կոտպաշտութեան շափ սնտոխաւաշտութիւն էին դառել, մեր կիսակիրթ մանկավարժների ձեռքում:

Իսկ եթէ Յիլլէրեան ձևական աստիճանները անընդունելի են, տեղն ի՞նչ պէտք է դրուի: Ահա այս հարցմունքի պատասխանը պիտի լինէին այժմ լոյս ընծայած «Դասաւանդական ձևերը»: Բայց պէտք է փաստաւորով ստենք, որ որչափ «Քննադատութիւնը» մեր մանկավարժների աչքը բացաւող մի ժամանակակից աշխատութիւն էր, այնքան «Դասաւանդական ձևերը» մշուշապատ մի գրուածք է: Աւելի ևս պէտք է փաստաւոր, որ հեղինակը իր ոյժերը լաւ չչափեց և չփորձեց միայն պարզ թարգմանութիւնը տալու: Զորօրինակ, եթէ ամբողջովին թարգմանէր Սալվիւրիի «Die didaktischen Normalformen», որչափ աւելի օգուտ բերած պիտի լինէր, հարցմունքին պարզ և մէկին պատասխան տալով, քան որ նա դէսից-դէնից (Վունդտից, Մէսմէրից, Դէգէնէրէրից և ուրիշներից) ձիգ-ձիգ, բայց աղճատուած կտորներ քաղելով, մի շատ դժուարատար կառուցում է ձևացրել, կամենալով հիմքի մէջ պնդագարդութեամբ դնել և զիպտական բուրգը, աջ թևին Ստրասբուրգի տաճարի մօտիվները, ձախ թևին Էյֆէլեան աշտարակի ստուերը, իսկ ամբողջութիւնից մի անգուլիս քարակոյտ գոյացնելով:

Ընթերցողը փոքր ինչ շունչ է քաշում, վերջին գլուխը կարդալով. այստեղ Էյֆիլեանը վերջապէս ձգտում է իր ասելիքները պարզել: Եւ իրօք, պարզուում է, որ հեղինակը չփոթում է «ձևն» ու «մեթոդը», ուստի և այդպէս անհեթեթ գիրք է շարձարել: